

Ա. Գրիգորյան

ԼԵՆԱՅԻ ԴԵՊՔԵՐԻ ԱՐՁԱԳԱՆՔՆԵՐԸ ՀԱՅ ԻՐԱԿԱՆՈՒԹՅԱՆ ՄԵՋ

Լենայի դեպքերի վերաբերյալ առաջին հաղորդումը հայ մամուլում լույս տեսավ Ալեքսանդրապոլում հրատարակվող պրոգրեսիվ «Արագած» թերթի 1912 թ. ապրիլի 22-ի համարում, որտեղ իրավացիորեն նշվում է, որ Լենայի բանվորների մասսայական գործադուլի պատճառը նրանց կյանքի ու աշխատանքի անշափ ծանր պայմաններն են։ Թերթը կոնկրետ տվյալներ է բերում բանվորների բնակարանների վիճակի, ընկերության խանութներում (նկատենք, որ ոսկեհանքերի տերիտորիայում առևտրական այլ կետեր չկային) վաճառվող սննդամթերքների բարձր գների մասին և այլն։ «Իսկ բանվորի օրական առավելագույն վաստակը,— նշված է մի թղթակցության մեջ,— հասնում էր 1 ռ. 30 կոպեկի»¹։

Այդ նույն համարում «Վերջին լուրեր» վերնագրի տակ թերթը իր ընթերցողներին հայտնում է. «Պետերբուրգից հեռագրում են, որ սոցիալ-դեմոկրատական ֆրակցիան (Պետական դումայի — Ա. Գ.) բանվորներից բաղմամբիվ հեռագրեր է ստանում, որոնցում բողոք է հայտնվում Լենայի դժբախտությունների առթիվ»²։

Արտահայտելով առաջավոր հայ հասարակայնության կարծիքը, «Արագած» թերթը «Վրդովլած հասարակական խիղճը» խորագիրը կրող հոդվածում ընդդիմում է, որ «Լենայի աղետը... իրենց նման, բայց ընչադուրկ մարդկանց բախտի հետ խաղացող ունևորների զավանային զոգումունքի արդյունքն է։ Լենայի ջարդը մի ծանր մղձավանջ է, որից շատերին թվում է, որ իրենք արդեն ազատվել են։ Հեռադրական գործակալությունն իր պարտքը համարեց հայտարարել. թե կան «Մոտ 200 սպանված և նույնքան էլ վիրավոր»։ Պետական փուման հանգստացավ նրանով, որ... թարմ շիրիմների առջև արտասանեց մի զույգ տար ճառեր, թերթերն իրենց պարտքը կատարված համարեցին, տպագրելով հոդվածներ ու հաղորդագրություններ։ Իսկ ներքին գործոց մինիստրը ժողովրդական ներկայացուցիչներին տվեց իր «Հռչակավոր» պատասխանը՝ «Այդպես եղել է, այդպես էլ կլինի...»։ Անմեղ զոհերին միայն մնում է ասել՝ «Հանդիստ ննջեցեք ձեր հավիտենական բնակարաններում, մենք ամեն ինչ արեցինք ինչպես ձեր բախտակից ընկերների, այնպես էլ ձեր թողած թշվառ որբերի համար»։ Բայց մի՞թե արդեն արված է այն ամենը, ինչ անհրաժեշտ է — հարցնում է թերթը, — մի՞թե ներքին գործոց մինիստրը շարունակ ժողովրդին պետք է սարսափի մեջ պահի իր լկտի դարձվածքով՝ «Այդպես եղել է, այդպես էլ կլինի»³։ Եվ կարծես ի պատասխան այդ հարցին, թերթը բաղմամբիվ թվեր ու փաստեր է բերում պրոլետարիատի մասսայական գործադուլների մասին, որանա

¹ «Արագած», № 30, 22 ապրիլի, 1912, ք. Ալեքսանդրապոլ։

² Նույն տեղում։

³ Նույն տեղում, № 31, 26 ապրիլի, 1912։

ցարական դահիճների շարագործությունների դեմ ուղղված բողոքի նշան: Այս-
տե՛ս մատիկորեն լուսաբանելով դեպքերի ընթացքը ոսկեհանքերում, «Արա-
դած»-ը մայիսի 6-ի իր համարում նշում է. «Պետական դամայի անդամ բոլ-
շևիկ Պոլետակը Բողայբոյից ստացել է մի հեռագիր, որով հաղորդվում է հե-
տևյալը. ոսկեհանքերում շարունակվում են խուղարկությունները, ձերբակալու-
թյուններն ու բնակարաններից արտաքսելը: Հեռագիրը վերջանում է հետևյալ
խոսքերով՝ «Նորից պաշտպանություն ենք խնդրում: Լենայի վարչությունը
քնակելի տունը ղեջել է բանտի համար: Տունը հարմարեցվում է 180 կաթնա-
վորի համար»¹:

«Արագած»-ը թանկ վճարեց Լենայի դեպքերի առթիվ ունեցած իր համար-
ձակ ելույթների համար: Հենց իր՝ Ներքին գործոց մինիստրության մամուլի
բորժերի Գլխավոր վարչության պետի պաշտոնակատար Կոմս Տատիշևի պըն-
դումով Երևանի նահանգապետը թերթի խմբագիր «Պետրոս Պողոսի Այվազյա-
նին ենթարկեց դրամական տուգանքի 100 ռուբլու չափով, անվճարունակության
դեպքում այն փոխարինելով մեկ ամսվա բանտարկությամբ»²: Բայց, ինչպես
հայտնում է թերթը, «Նյութական միջոցների սղություն պատճառով ընդունվեց
վերջինը»³:

Արխիվային բաղմամբիվ փաստաթղթերից և պարբերական մամուլի նյու-
թերից երևում է, որ Լենայի ոսկեհանքերի անդեն բանվորների հետ տեսնված
դադանային դատաստանի լուրերն էլ ավելի ուժեղացրին քաղաքի և գյուղի հայ
սրբուհատարիատի ռեուլյուցիոն շարժումը: Ինչպես ասված է ՌՄԴԲՊ Կենտ-
րոնական Կոմիտեի անունից 1912 թ. ապրիլի վերջին Թիֆլիսում հայե-
լեն և ռուսերեն լեզուներով հրատարակված «Կեցցե Մայիսի մեկը» սրբու-
ղամացիայում, սրբուհատարիատը հասկացավ, որ «լիբերալները ուտում և
կեղծավորում են Նիկոլայ վերջինի առջև, երբ նրանք իրենց և ուրիշներին հա-
վատացնում են, թե ինքնակալությունը... կարող է բավարարել ժողովրդի
կական պահանջները»⁴, ընդհակառակը, սրբուհատարիատն այժմ ավելի խորձ է
գիտակցում, որ ինքնակալությունը հանդես է գալիս բուրժուազիայի ու կալվա-
ծատերերի շահերի հավատարիմ պաշտպանի դերում և որ բանվոր դասակարգն
ու չքավոր գյուղացիությունը ոչ մի բույն չպետք է դադարեցնեն պայքարը
նրանց դեմ: Ոչ թե «ցարական ողորմածությամբ», այլ միայն իր սեփական
ուժերով աշխատավոր ժողովուրդը կարող է ազատվել բուրժուա-կալվածատի-
րական շահագործումից: Կարծես որպես պատասխան այդ կոչին, մայիսի
11-ին դործագույ հայտարարեցին Շուշու Կավառի Զարդարաշենի Տեր-Մկրտ-
չյան եղբայրներին պատկանող մետաքսագործարանի քանվորները: Նրանք
պահանջ ներկայացրին կառավարչին աշխատավարձը բարձրացնելու մասին:
Գործարանատերն սկզբում մերժեց բանվորների պահանջը, բայց գործադուլա-
վորների համառությունը ստիպեց նրան ղեջումներ անել: Նա պաշտոնապես
հայտարարեց, որ ներկայացված պահանջը կբավարարվի, և միայն դրանից
հետո աշխատանքը գործարանում վերսկսվեց⁵:

¹ «Արագած» № 34, 6 մայիսի, 1912:

² ՍՍԽՄ ՊԿՊԱ Լենինգրադում, ֆ. 776, ց. 21, դ. 213, 1911—1912, էջ 6—7:

³ «Արագած», № 42, 24 հունիսի, 1912:

⁴ ՍՄԿՊ ԿԿ-ին ԿԿ-ից Մարքսիզմ-լենինիզմի ինստիտուտի Վրացական ֆիլիսոփի պար-
տիական արխիվ, ֆ. 31, դ. 266, էջ 211:

⁵ «Ղարարագ» Թերթ, № 38, 24 մայիսի, 1912, ր. Շուշի:

Արխիվային փաստաթղթերից և պարբերական մամուլի նյութերից երևում է, որ Լենայի դեպքերի տառաջ բերած ռևոլյուցիոն հուզումներն ընդգրկել էին սակավաթիվյալ Դափանի պղնձագործներին, Կարսի մարզի երկաթուղայիններին, Ալեքսանդրապոլի փայտամշակման արհեստանոցների և գերձականոցների բանվորներին։ Հայ բանվորները զայրույթով դատապարտում են Լենայի ոսկեհանքերի անպաշտպան լուծվորների հետ դաժան դատաստան տեսած ցարական դահիճներին, ընդամենը ցուցարբերելով պրոլետարական ինտերնացիոնալ համերաշխության զգացմունք դեպի մյուս ազգությունների պրոլետարիատը և ամենից առաջ դեպի ռուսական առաջավոր բանվոր դասակարգը։ Դրա մասին ակնառու կերպով վկայում է այն նամակը, որ մի խումբ հայ բանվորներ 1912 թ. հուլիսի 10-ին ուղարկել են լույշեկյան «Պրավդա»-ի խմբագրությանը։

«Զղալով աներևակայելի շահագործման ամբողջ ծանրությունը... ընկ(երական) ողջուն ենք հղում ընկ(եր) պետերբուրգցիներին։ Մենք որոշել ենք ըստ հնարավորության սխտեմատիկորեն աջակցել նրանց»։ Այնուհետև նրանք հայտնում են «իրենց խոր զայրույթն ու բողոքը այն լիբերալ թերթերի («Ռեչ» և «Սենրնոյե սլովո») դեմ, որոնք իրենց էջերում հայտարարություններ զետեղել են և դրանով օժանդակել են շտրեյկբրեխերների հավաքագրմանը... «Մենք պետք է լավ գիտենանք, թե պարոնայք լիբերալներն ինչպես են գնահատում ժողովրդի շահերը և մանավանդ բանվորների շահերը»։

Համառոտակի բացատրենք, թե ինչից առաջացավ այդ նամակը։ Պետերբուրգի մի շարք ձեռնարկությունների բանվորները, Լենայի դեպքերի կապակցությամբ 1912 թ. մայիսի վերջերին գործադուլ հայտարարելով ի նշան բողոքի, միաժամանակ կապիտալիստներին ներկայացրին տնտեսական պահանջներ և հայտարարեցին, որ աշխատանքի չեն անցնի, մինչև որ այդ պահանջները լիովին չբավարարվեն։ Այն ժամանակ ձեռնարկատերերը բանվորներին հայտարարեցին աշխատանքից ազատված և «Ռեչ» ու «Սենրնոյե սլովո» լիբերալ թերթերում հայտարարություն զետեղելի բանվորների նոր հավաքագրման մասին։ Հենց այդ կապակցությամբ էլ բողոք է հայտնվում վերոհիշյալ նամակում, որը հետո ընկավ ժանդարմերիայի ձեռքը։ Պարզելով այդ նամակի հեղինակների անձնավորությունը, Կուկասի պահնորդական բաժանմունքի պետ ղեղապետ Պաստրյուկինը 1912 թ. նոյեմբերի 2-ին «հույս չապահովելով» հայտնում է ոստիկանության դեպարտամենտին, թե այդ հեղինակներն են Ալեքսանդրապոլ քաղաքի բնակիչ Լևոն Սուքիասովը և Նախիջևանի գավառի Յարինջա գյուղի բնակիչ Անանովը (նա ինքն էլ Խսահակ Աբրամովիչ Օհանով), որոնք «Զինգեր» մեքենաների ընկերության մեխանիկներն են¹։

Բանվորների համարձակ ելույթները ցարական կառավարության վայրիկաժայռականության դեմ չէին կարող ռևոլյուցիոնացնող ազդեցություն չունենալ հայ գյուղացիական չքավորական մասսայի վրա։ Հենց Լենայի դեպքերին հաջորդող շրջանում էլ հայկական գյուղում ուժեղանում է ագրարային շարժումը, որն օրեցօր ընդունում է ավելի սուր բնույթ։ Գյուղացիները համառ զինված դիմադրություն են ցույց տալիս իշխանության ներկայացուցիչներին։ Այսպես, 1912 թ. ամռանը Սուրմալուի գավառի Կարակոյունլու գյուղի բնա-

¹ ՍՄԿՊ ԿԿ-ին կից Մարքսիզմ-լենինիզմի ինստիտուտի Վրացական ֆիլիալի սլար-տիական արխիվ, ֆ. 31, գ. 80, էջ 325։

² Նույն տեղում, էջ 348։

կիշները կտրականապես հրաժարվեցին իրենց մյուլքադարին հարկեր վճարելուց: Վերջինը դիմեց ոստիկանության օգնությանը, բայց գյուղ եկած ստրած-նիկները հանդիպեցին գյուղացիների կազմակերպված զինված դիմադրությանը և ստիպված եղան հեռանալ գյուղից¹: Միևնույն ժամանակամիջոցում այդ նույն բանն էլ տեղի ունեցավ Երևանի գավառի Աղհամզալու գյուղում, Շարուր-Դա-րալագյազի գավառի էնպիջա գյուղում² և Հայաստանի շատ ուրիշ գյուղերում: Այդ ժամանակաշրջանում գրեթե ամենուրեք ավելի հաճախ են դառնում կալ-վածատիրական ու պետական հողերի բռնագրավման, անտառների հրդեհման, անտառապետների և անտառային ոստիկանության աստիճանավորների սուլա-նությունների դեպքերը: Օրինակ, էջմիածնի գավառի Ինաթլու գյուղի բնակիչ-ները, բռնագրավելով «Գեշի դալասի» կոչվող կիրճի մոտ գտնվող անտառային արոտավայրը, սաստիկ ծեծեցին այդ արոտավայրի վարձակալներին, տեղացի կուլակներ Սիրական Մկրտչյանին ու Սերգո Ղաղարյանին, իսկ անտառապետ Արշակ Ասլանյանին քաշ տվեցին անտառ, մտասոգություն ունենալով սպանել նրան: Բայց «դա նրանց չհաջողվեց, — ասված է էջմիածնի գավառապետի անունով սրիստավի ուղարկած զեկույցում, — որովհետև ժամանակին հասավ ոստիկանական սլահակախումբը»³: Անտառապետությունների աստիճանավոր-ների հետ տեսնվող նման դատաստանները լուրջ տագնապ առաջ բերին հողա-դործության ու պետական դույքերի Երևան-Վարսի վարչությունում, որը շտա-պեց Ալեքսանդրապոլի, Սարիղամիշի, Նոր Բայազետի, էջմիածնի և մյուս անտառապետություններին ուղարկել Անտառային դեպարտամենտից ստաց-ված շրջաբերականի պատճենը, որտեղ նշվում է, թե «արդեն նկատվում են, ինչպես 1907 թ., գյուղացիների կողմից հարձակումներ ու անտառամասերի գրավումներ, նույնպես և մահափորձեր անտառապետությունների աստիճա-նավորների դեմ» և «այդ փաստը» հատկապես նկատի ունենալով անցած խառ-նակ ժամանակների տագնապալի սիմպտոմները, արժանի է ամենալուրջ ուշա-դրության»...⁴: Վերոհիշյալը հավաստելու հետ մեկտեղ, նշվում են նաև միջո-ցառումներ՝ պայքարը «բունտարարների» դեմ ուժեղացնելու համար: Բայց այդ «միջոցառումներն» անգոր էին անտառների հրդեհումները, անտառային մասիվների ինքնազուլս գրավումներն ու կտրատումը կանխելու համար: Մեր հաշիվներով (անշուշտ, բնավ ոչ լրիվ) 1912 թ. ընթացքում տեղ է ունեցել ան-տառների հրդեհումների, ինքնազուլս կտրելու և «անտառային կանոնադրու-թյան այլ տեսակի խախտումների 100 դեպք»⁵:

Այդ ժամանակ Հայաստանում գործող բոլշևիկներ Հովհաննես Սարու-խանյանը, Բագրատ Ղարիբջանյանը, Արշավիր Մելիքյանը, Արսեն Մուսայել-յանը և ուրիշներ, պլխավորելով աշխատավոր մասսաների ռևոլյուցիոն շար-ժումը, քաղաքային ու գյուղական պրոլետարիատին կոչ էին անում անողոք պայքար մղել շահագործողների դեմ: Մի շարք վայրերում, ինչպես Զանգեզու-րում և Լոռում, բոլշևիկներն աշխատանք էին տանում գյուղական շքավորու-թյանը զինված ասպետամբության նախապատրաստելու ուղղությամբ: Օրինակ, Զալալօղլու ընդհատակյա քոլշևիկյան խումբը Անուշավան Թումանյանի գլխա-

¹ ՀՍՍՌ ՊԿԱ, ֆ. 49/113, ց. 1, գ. 22, էջ 148:

² Նույն տեղում, էջ 195 և 297:

³ ՀՍՍՌ ՊԿԱ, ֆ. 133, գ. 6246, էջ 5:

⁴ Նույն տեղում, գ. 6259, էջ 2:

⁵ Նույն տեղում, էջ 1 — 23:

վորություններ, նախապատրաստելով Ջալալօղլու և հարևան գյուղերի գյուղացիների զինված ելույթն ընդդեմ տեղական հողատերերի և նրանց հովանավորող ոստիկանության, կասլ հաստատեցին հրետանային պարկի ռևոլյուցիոն տրամադրություններով համակված զինվորների Ձուբատինի ու Սավինի հետ և մտադիր էին նրանց օգնությամբ զինապահեստից դուրս բերել 40 հրացան: Բայց այդ մտադրությունը չկատարվեց, որովհետև հրամանատարությունը, Ձուբատինին ու Սավինին կասկածելով «չարամտության» մեջ, իսկույն մեկուսացրեց նրանց: Ինչպես հետո հայտնի դարձավ, պատմում է իր հիշողություններում հին քոլզեիկ Ա. Թումանյանը,— այդ ընկերներին ուղարկել էին կարգապահական գումարտակ, իսկ խմբի անդամներն անցան խոր ընդհատակ,— հակառակ դեպքում մենք ևս պետք է կանգնեինք զինվորական տրիբունալի առաջ»¹:

Ռևոլյուցիոն շարժման ալիքը Հայաստանում, որ առանձնապես աճել էր Լենայի դեպքերից հետո, շոշափեց նաև այստեղ դիսլոկացված զորամասերի զինվորներին, Կարսի, Ալեքսանդրապոլի, Սարիղամիշի և մյուս կայազորներում զինվորների մեջ եղած զայրույթի խուլ տրտունջները զնալով աճում էին և հասնում վերածվում ինքնակալության բռնակալական կամայականությունների դեմ ուղղված բացահայտ շողոքի: Ինչպես երևում է Վրացական ՍՍԽ Կենտրոնական պետական պատմական արխիվում պահվող ժանդարմական զեկուլցներից, հիշյալ կայազորների զինվորներից շատերի կարծիքով Լենայի ոսկեհանքերի անգն լանվորների գնդակահարությունը ինքնակալության անզորության, նրա վերահաս կրախի արտահայտությունն է: Իսկ Կուբինսկու 155-րդ հետևակ գնդի (շտաբ-կվարտիրան գտնվում էր Ներքին Սարիղամիշ գյուղում) շարքայիններ Վիկտոր Ստաշևսկին և Ալեքսեյ Չումանովը, դատապարտելով Լենայի ոսկեհանքերի անմեղ բանվորների վրա կրակող զինվորներին, կտրականապես հրաժարվեցին զինվորական ծառայությունից և հեռացան իրենց ստորաբաժանումից: 1913 թ. հունվարի 28-ին, բռնված լինելով և հետաքննության ենթարկվելով ժանդարմերիայի կողմից, նրանք հայտարարեցին, որ Ռուսաստանում տիրող կամայականությունն ու ժողովրդի կեղեքումը հարատև չեն, որ «Ռուսաստանը գտնվում է ռևոլյուցիայի նախօրյակին և որ վրա են հասնում թաղավորող տան վերջին օրերը»²:

Բոլշևիկները կոչ են անում ժողովրդին շնահանջել ինքնակալության ոստիկանական տեռորի առջև: Չնայած ռեակցիայի դեռևս շարունակվող սանձարձակությանը, նրանք գրավոր ու բանավոր պրոպագանդայով աշխատավոր մասսաների առջև մերկացնում են ինքնակալության բռնակալական, հակաժողովրդական էությունը: 1913 թ. փետրվարի 21-ին, երբ սևհարյուրակայինները տոնում էին «Ռումանովների տան 300-ամյակը», իսկ բոլոր տեսակի դավանանքների տերտերները ժողովրդին կոչ էին անում խոնարհաբար ծռնել շոքել ցարական դահի առջև, ամբողջ Անդրկովկասում տարածվեց ՌՍԴԲՊ Բաքվի Կոմիտեի «Կորչեն բռնակալները, հեռու շղթաները» համարձակ բոլշևիկյան կոչը, որտեղ գրված էր Ռումանովներ անունը կրող «շայկայի» հա-

¹ ՍՄԿՊ ԿԿ-ին կից Մարքսիզմ-լենինիզմի ինստիտուտի Հայկական ֆիլիալի պարտաբաշխ, հին բոլշևիկ Ա. Գ. Թումանյանի անձնական գործ, էջ 2:

² Վրացական ՍՍԽ ՊԿՊԱ, ֆ. 2, գ. 2843, էջ 9:

կիրճ, բայց դիպուկ բնութագիրը: «Այսպես ուրեմն, ում առջև պետք է խոնարհ-, վի ժողովուրդն այս հիշարժան օրը, — ասված է այդ կոչում: — Արդյոք Եկամե-
րինա 2-ի պիղծ անկողնո՞ւ, թե՞ նիկոլայ 1-ի մտրակի ու ճիպոտների տոջև,
Ալեքսանդր 3-ի բռունցքի և օղու շշի՞, թե՞ նիկոլայ վերջինի կախաղանի և
տաժանակրության առջև: Ինչի համար պետք է ուրախանա ժողովուրդը՝ վեր-
հիշելով Ռոմանովների տոհմին և նրա վերջին ցար նիկոլայ Արյունոտին»¹:
Եվ կոչի հեղինակը կծու իրոնիայով հարցնում է՝ գուցե նրա համար, որ «նի-
կոլայ 2-ի անունով և հանուն Ռոմանովների շայկայի տիրապետության» «Սյ-
բիրի խուլ տայգայում» 1912 թ. դնդակահարվեցին 500 խաղաղ անզեն բան-
վորներ»²:

Ռոմանովների տան 300-ամյակի տոնակատարությունը, որը վերածվեց
իշխող դասակարգերի նենգամիտ շարախնդությանը, գոյություն ունեցող կարգի
նկատմամբ ավելի մեծ ատելություն առաջ բերեց ժողովրդի մեջ, «որին ճըն-
շում և կողոպտում են բոլոր նրանք, ովքեր թեկուզ մի փոքր իշխանություն
ունեն»³, գրում է ուսանողների կազմակերպության Կուկասյան բյուրոն, հիշ-
յալ հոբելյանի առթիվ հրապարակած իր պրոկլամացիայում: Հայաստանի,
ինչպես և ամբողջ Ռուսաստանի աշխատավոր մասսաները չէին կարող ներել
ինքնակալությանը, չէին կարող մոռանալ նրա կատարած շարագործություն-
ները: Ինչպես երևում է արխիվային նյութերից, այդ այսպես կոչված «հոբել-
յանական օրերին» հատկապես ուժեղանում և առավել մասսայական բնույթ է
ստանում ագրարային շարժումը Հայաստանում: Տեղական իշխանությունների
լուրջ տագնապն էին առաջացնում Ալեքսանդրապոլի, Շուշու, Նոր Բայազետի
բաժանների, Կարսի մարզի մի շարք գյուղերի չքավորության համարձակ ու
կազմակերպված ելույթները, չքավորություն, որը զենքի ուժով գրավում էր
կալվածատիրական ու պետական հողերը, հայտարարելով, թե «հողը պետք է
պատկանի նրանց, ովքեր մշակում են այն»⁴:

Լենայի դեպքերը, «կուտրելով ժողովրդական լուծության սառույցը», ռե-
լյուցիոնացնող ազդեցություն ունեցան հայ հասարակության բոլոր առաջավոր
խավերի, այդ թվում Հայաստանի, մասնավորապես էջմիածնի, Իզմիրի, Կող-
վրվանի, Կարսի և այլ վայրերի ուսումնական հաստատությունների սովորույ-
ների վրա: Լենայի արյունոտ դեպքերն առաջավոր ուսանող երիտասարդու-
թյանը հարկադրեցին ավելի քննադատաբար վերաբերվել ուսումնական հաս-
տատություններում գոյություն ունեցող կարգերին, հասարակական գիտու-
թյունների դասավանդմանը:

1913 թ. վերջերին հուլիսյան սկսվեցին էջմիածնի Ճեմարանի ուսանող-
ների մեջ: Իրա զլխավոր պատճառներից մեկը ուսանողների նյութական ծանր
դրությունն էր: Վերջիններս բացեիքաց հայտարարում են, որ Ճեմարանում
բուն են դրել խաբեբաներն ու հափշտակիչները, որոնք յուրացնում են ուսա-
նողների համար նախատեսված միջոցների զգալի մասը, իսկ իրենց ուսանող-
ների հետ չափազանց վատ են վարվում:

Տեսուչը համաձայնվեց բավարարել Ճեմարանի սանների տնտեսական պա-
հանջների մի մասը. նրանց համար ձեռք բերվեց հազուստեղն, ոտնաճան,

¹ Վրացական ՍՍԽ ՊԿՊԱ, ֆ. 3, դ. 837, էջ 74:

² Նույն տեղում:

³ Նույն տեղում, էջ 67:

⁴ Հայկական ՍՍԽ ՊԿՊԱ, ֆ. 113, ց. 1, դ. 4037, էջ 44:

տվելացրին նրանց տրվող ամսական դրամական նպաստը 15-ից 20 ռուբլի։ Սակայն հուլիսի 1-ին ձեռնարկված չէին դադարում։ 1914 թ. հունվարի 10-ին երեք բարձր լսարանների ուսանողներն իրենց պատվիրակների միջոցով տեսչին բողոք հայտնեցին հիվանդ ուսանողներին անբավարար խնամելու և ուսանողական ճաշարանում տրվող անորակ սննդի պատճառով։ Պատշաճ պատասխան չստանալով նրանից, հունվարի 11-ին լսարանցիները հայտարարեցին մեկշաբաթյա դասադուլ և իրենց պատվիրակներին ուղարկեցին ամենայն հայոց Կաթողիկոսի մոտ, խնդրելով տեսչի պաշտոնում նշանակել այլ անձնավորություն¹։ Ձեռնարկված ստեղծված դրույթունը, — գրում էր Երևանի նահանգապետ Տիգրան-Հուսեֆյանը Վորոնցով-Դաշկովին, — «նորին սրբազանությունը դրդեց հրատարակել մի կոնդակ, որով ձեռնարկված երեք բարձր լսարանների դասատուներին ավտոմատ իրավունք է վերապահված ձեռնարկի տեսչի պաշտոնում ինքնուրույն կերպով ընտրել և նշանակել այնպիսի անձնավորություն, որը կարողանար համապատասխանել այդպիսի նշանակմանը»²։

Մեկնաբանելով էջմիածնի հոգևոր ձեռնարկում տեղի ունեցող դեպքերը, Արշավիր Մելիքյանի ղեկավարությամբ Երևանում հրատարակվող բոլշևիկյան լեզալ «Խոսք» թերթը նշում է, որ դրանց հիմնական պատճառը ոչ թե ուսանողների դժգոհությունն է ադմինիստրացիայի առանձին ներկայացուցիչներից, այլ «ձեռնարկում գոյություն ունեցող կարգերից»³։

Միևնույն ժամանակ «Խոսք»-ն իրավացիորեն նշում է, որ «Հայ հոգևորականությունը, մանավանդ նրա մի փոքր մասը, որը ներկայումս տեղ ու տնօրեն է հանդիսանում մեր ներքին գործերի, անկարող է բարեփոխել այդ հաստատությունը, այն ձևով, ինչ ձևով մենք ենք ցանկանում»⁴։

Ընդհուպ մինչև առաջին համաշխարհային պատերազմի սկիզբը Հենայի դեպքերն արձագանք էին գտնում հայ իրականության մեջ։ 1914 թ. մարտի 19-ին դործադուլ բռնկվեց Ալավերդու պղնձագործների Էրկուհազարանոց կոլեկտիվում։ Գործադուլավորների հիմնական պահանջներն էին՝ 8-ժամյա աշխատանքային օրը, բանվորներից տեսուչներ նշանակելը, բանվորների շնակարանային-կենցաղային պայմանների բարելավումը⁵։ Այդ պահանջների նախագիծը նախօրոք մշակվել էր մի խումբ առաջավոր բանվորների կողմից և, ինչպես Բորչալուի գավառապետ Գավրիլովը զեկուցում է փոխարքա Վորոնցով-Դաշկովին, «Երեք օր առաջ քննարկվել է փոքրաթիվ պարագլուխների կողմից, ընդ որում նրանցից մեկը... գնացել է Թիֆլիս՝ պատշաճ ցուցումներ ստանալու համար»⁶։ Այսպիսով, Ալավերդու պղնձագործների նկարագրվող գործադուլը տարերային չէր, այն նախապատրաստվել էր «փոքրաթիվ պարագլուխների», այսինքն՝ գործարանի բոլշևիկյան բջիջի անդամների կողմից, մի բջիջ, որն այն ժամանակ այստեղ գործում էր փորձված ռևոլյուցիոներ Սիմոն էվոյանի ղեկավարությամբ։ Վերջինս անմիջական սերտ կապ էր պահպանում Թիֆլիսի ղեկավար բոլշևիկյան կոլեկտիվի հետ⁷։

¹ Հայկական ՍՍՌ ՊԿԱ, ֆ. 49/113, ց. 1, գ. 34, էջ 88։

² Նույն տեղում, էջ 112։

³ «Խոսք», № 6, 8 փետրվարի, 1914, Երևան։

⁴ Նույն տեղում։

⁵ Վրացական ՍՍՌ ՊԿԱ, ֆ. 34, գ. 665, էջ 10։

⁶ Նույն տեղում, էջ 8։

⁷ Տե՛ս ՍՄԿԳ ԿԿ-ին կից Մարքսիզմ-լենինիզմի ինստիտուտի Հայկական ֆիլիալի պարտիական արխիվ, ֆ. 15, գ. 4, էջ 126։

Գործադուլը տեղեց երկու օր: Չնայած նրան մասնակցում էր գործարանի բանվորների միայն մի մասը, այնուամենայնիվ նա հարուցեց ինչպես դիրեկցիայի, այնպես էլ ժանդարմերիայի լուրջ երկյուղը: Գործադուլավորներին նազանդեցնելու համար պղնձաձուլական գործարանի և հանքերի տերիտորիան մտցվեցին տեղական ոստիկանական ստրաժնիկներ, մի զինված խումբ, որ ժամանել էր Շուշուներից՝ գավառապետ Գավրիլովի և այդ դեպքերի կապակցությամբ: Թիֆլիսից եկած ոստիկանական աստիճանավորների ու Թիֆլիսի նահանգական ժանդարմական վարչության պետի օգնական փոխգնդապետ Ռեդրովի գլխավորությամբ: Գործադուլավորներին դեմ մղվող պայքարի գործողությունները ղեկավարում էր Գավրիլովը: Նա ղեկավարվում է գործադուլային շարժման դեմ պայքարելու վերաբերյալ 1913 թ. հունիսի 28-ի շրջաբերականով, որ նրան ուղարկել էր Թիֆլիսի նահանգապետը հետևյալ հղումով.

Ներկա շրջաբերականը (պատճենը)... հղում եմ Ձերդ բարեծնությանն՝ ի ղեկավարություն և Ալավերդու գործարաններում տեղի ունեցող գործադուլի դործի կապակցությամբ Ձեր կողմից կիրառվող միջոցառումներն այնուհետև նշված պահանջների հետ համաձայնեցնելու համար: 1914 թ. մարտի 20-ի ցերեկ»¹: Մակայն պալատապետը ոչ միայն հետևում է ոստիկանության դեպարտամենտի ցուցումներին, այլև նախաձեռնություն է ցուցաբերում (որը, ի դեպ ասած, խիստ համապատասխանում էր շրջաբերականի պահանջներին), կազմակերպելով իր ստորադրյալներին դեմքը պահել «մարտական պատրաստ վիճակում»: Դրա հետ մեկտեղ նա հասկանում էր, որ միայն ռեպրեսիվ միջոցներով բանվորներին չի կարելի հնազանդեցնել և գործարանի դիրեկտոր Ռոժենին անձնարարեց որոշ լիցիտներ անել, որին և նա համաձայնեց:

Մարտի 21-ին բանվորները գործադուլը դադարեցրին: Այդ կապակցությամբ օկրուգային ինժեներ Յեյալին, Ռեդրովին ու Գավրիլովը գավառապետին հեռագրում են. «Գործադուլը լիկվիդացված է, ներկայացված տնտեսական պահանջների մի մասը բավարարված է»²:

Լենայի արյունոտ սպանդում ղոհված իրենց դասակարգային եղբայրակիցների հիշատակը մեծարում են ոչ միայն Հայաստանի բանվորներն ու գյուղական չքավորությունը, այլև հայ քաղաքականավոր-ռևոլյուցիոններները, որոնք, չնայած բանտային դաժան տեժմին, բացեիբաց հայտարարում են իրենց համերաշխությունը ռուս և մյուս ազգերի պրոլետարիատի հետ: Ինչպես Բաբիկի նահանգի ժանդարմական վարչության պետը 1914 թ. ապրիլի 5-ին ոստիկանության դեպարտամենտին հաղորդում է, «...Բաբիկի բանտի բաժանմունքում 24 քաղաքական կալանավոր ի նշանավորումն Լենայի դեպքերի տարեդարձի, հայտարարեցին և անցկացրին միօրյա հացադուլ»³: Ձեկույցին կցված ցուցակում ուրիշների թվում նշված են՝ Համբարձում Օսիպովի Ասատուրովը, Սմբատ Մեջլումովի Կարատաշներ և եղիա Մարկովի Տեր-Օվանեսովը, որոնք դատապարտվել են Շուշու, Ղազախի և Շամախու գավառների գյուղացիական մասսաների մեջ ծավալած ռևոլյուցիոն գործունեության, գյուղացիներին «հակակառավարական հանցավոր ելույթների» ղրդելու համար⁴:

¹ Վրացական ՍՍՌ ՊԿՊԱ, ֆ. 34, դ. 655, էջ 5:

² Նույն տեղում, էջ 5:

³ Ազրբեջանական ՍՍՌ ՊԿՊԱ, . 46/8 գ. 8. 20, գ. 48, էջ 9:

⁴ Նույն տեղում, էջ 1:

1914 թ. ապրիլի կեսերին Սարգիս Կասյանի կողմից ռուսներեն ղրված և Մելիք Մելիք-Արագյանի կողմից հայերեն թարգմանված Մայիսմեկյան պրոկլամացիայում բոլշևիկները, մեկ անգամ ևս հայ պրոլետարիատին հիշեցնելով ցարիզմի արյունոտ շարագործությունների մասին, կոչ են անում նրան համերաշխություն պահպանել Համառուսաստանյան պրոլետարիատի հետ, միաձուլվել և կազմել «մի ահարկու ուժ՝ ցարական խայտառակ միապետությունը երկրի երեսից ջնջելու համար»¹:

Բոլշևիկների կոչը ջերմ արձագանք է գտնում Հայաստանի աշխատավոր մասսաների մեջ: Արխիվային փաստաթղթերից և քննարկվող ժամանակաշրջանի պարբերական մամուլի նյութերից կարելի է բազմաթիվ օրինակներ ու փաստեր բերել հայ բանվորների, գյուղացիության, առաջավոր ինտելիգենցիայի և Հայաստանի տերիտորիայում գտնվող զորամասերի ղինվորների շրջանում շարունակ աճող հուզումների մասին:

Բռնկեց առաջին համաշխարհային պատերազմը, որից օգտվելով, ցարական կառավարությունը, ինչպես ամենուրեք Ռուսաստանում, այնպես էլ Հայաստանում, սկսեց ջախջախել բոլշևիկյան կազմակերպությունները, դաժան դատաստան տեսնել ռևոլյուցիոն պրոլետարիատի ու գյուղացիության հետ, նրանց մի մասին բանտ նետեց, տաժանակրության դատապարտեց, իսկ մյուս մասին մոբիլիզացրեց և քշեց ռազմաճակատի առաջին գիծը:

Պատերազմը ժամանակավորապես խափանեց ռևոլյուցիոն նոր վերելքը, որն առանձնապես ուժեղ թափով սկսել էր աճել Հենայի արյունոտ դեպքերից հետո:

Չնայած այն բանին, որ պատերազմը ընդհատեց ռևոլյուցիոն վերելքը, այնուամենայնիվ 1910 թ. սկսված և Հենայի դեպքերից հետո առանձնապես ուժեղացած ռևոլյուցիոն ուժերի հարձակումը նշանակալի ներդրում էր մեր երկրի պրոլետարիատի պայքարի պատմության մեջ:

¹ Վրացական ՍՍՌ ՊԿՊԱ, ֆ. 7, դ. 2741, էջ 256:

